

Na osnovu člana 1. i 46. Zakona o budžetima u Federaciji BiH („Službene novine Federacije BiH“, broj: 102/13), člana 24. i 118. Statuta općine Kakanj („Službene novine općine Kakanj“, broj: 4/08) i člana 94. Poslovnika o radu Općinskog vijeća („Službene novine Općine Kakanj“, broj: 6/11, 4/16, 6/16), Općinsko vijeće na ___ sjednici, održanoj dana __. __. 2020. godine *donijelo je*

ODLUKU
o izmjeni i dopuni Budžeta Općine Kakanj za 2020. godinu

Član 1.

U Budžetu Općine Kakanj za 2020. godinu („Službene novine Općine Kakanj“, broj: 1/20, 5/20, 9/20 i 10/20) u članu 1. mijenja se:

- u tabeli „**A. PRIHODI I PRIMICI**“ u koloni „**Budžet za 2020. godinu**“ mijenja se iznos od „29.227.775,11 KM“ i stoji iznos „29.234.775,11 KM“,
- u tabeli „**B. RASHODI I IZDACI**“ u koloni „**Budžet za 2020. godinu**“ mijenja se iznos od „29.227.775,11 KM“ i stoji iznos „29.234.775,11 KM“.

Član 2.

U članu 2. u tabeli „A. PRIHODI I PRIMICI“ i tabeli „B. RASHODI I IZDACI“ mijenjaju se sljedeće pozicije:

A.1. Prihodi

- Pozicija „Porez na promet nepokretnosti“ ekonomski kod 714130, dosadašnji iznos od „438.000,00 KM“ mijenja se i glasi „454.000,00 KM“.

B. Rashodi i izdaci

II Posebni dio

0401001 - Služba za privredu, urbanizam i zaštitu okoline

- Naziv i ekonomski kod pozicije „614300 - Transfer Zavodu za planiranje i izgradnju za realizaciju projekata (novi projekti iz Fonda okoliša)“, Fond 0333 mijenja se i glasi „615400 - Transfer JP Grijanje d.o.o. za proširenje mreže daljinskog grijanja u prigradskim naseljima“. Iznos pozicije ostaje isti (544.876,92 KM).

Ostale pozicije u ovoj Službi se ne mijenjaju.

0601001 - Služba za imovinsko-pravne, geodetske poslove i katastar nekretnina

- Iza pozicije „Naknada štete u postupku uspostave prava služnosti (izgradnja dionice regionalne ceste Donji Kakanj-Kondžilo)“, ekonomski kod 613900, fond 0343, dodaje se nova pozicija 613900 „Naknada štete u postupku uspostave prava služnosti (izgradnja sankališta na Ponijerima), fond 0111, u iznosu od 10.000,00 KM“.

Ostale pozicije u ovoj Službi se ne mijenjaju.

0701001 – Služba za društvene djelatnosti, boračka pitanja, raseljena lica, izbjeglice i povratnike

- Iza pozicije „Ostali troškovi prevoza“, ekon. kod 613900, fond 0111 dodaje se nova pozicija 613900 „Prevoz učenika srednjih škola na području Općine Kakanj za 2020. godinu“, fond 0111, u iznosu od 6.000,00 KM“.

Ostale pozicije u ovoj Službi se ne mijenjaju.

0701002 – JU Kulturno-sportski centar Kakanj

- Pozicija 613700 - Materijal i usluge za održavanje opreme, fond 0251 dosadašnji iznos od „10.000,00 KM“ mijenja se i glasi „6.000,00 KM,

- Pozicija 613700 - Materijal i usluge za održavanje (ostalih) stalnih sredstava-zgrade, fond 0251 dosadašnji iznos od „20.000,00 KM“ mijenja se i glasi „30.000,00 KM,

- Pozicija 613900 - Usluge kopiranja i štampanja, fond 0251 dosadašnji iznos od „7.500,00 KM“ mijenja se i glasi „5.500,00 KM,

- Pozicija 613900 – Izdaci za Autorski honorar, fond 0251 dosadašnji iznos od „25.000,00 KM“ mijenja se i glasi „23.000,00 KM,

- Pozicija 613900 – Izdaci za Ugovore o djelu-Ostali ugovori, fond 0251 dosadašnji iznos od „29.000,00 KM“ mijenja se i glasi „27.000,00 KM.

Ostale pozicije u ovoj javnoj ustanovi se ne mijenjaju.

0701003 – JU za predškolski odgoj i obrazovanje "Mladost" Kakanj

- Pozicija 613329 – Ostale komunalne usluge, fond 0252 dosadašnji iznos od „1.000,00 KM“ mijenja se i glasi „2.000,00 KM“,

- Pozicija 613940 - Medicinske i laboratorijske usluge, fond 0252 dosadašnji iznos od „10.000,00 KM“ mijenja se i glasi „9.000,00 KM“.

Ostale pozicije u ovoj javnoj ustanovi se ne mijenjaju.

Član 3.

Ova Odluka stupa na snagu danom donošenja, a biće objavljena u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**
Slaven Katičić

OBRAZLOŽENJE

Budžet Općine Kakanj za 2020. godinu, broj: 01/1-37-380/19 je donijelo Općinsko vijeće Kakanj na sjednici održanoj 30.12.2019. godine u iznosu od 27.410.533,66 KM („Službene novine Općine Kakanj, broj: 1/20).

Ove izmjene i dopune Budžeta su rađene na osnovu zadnjih Izmjena i dopuna Budžeta, broj. 01/1-43-224/20 od 16.09.2020. godine. („Službene novine Općine Kakanj, broj: 10/20).

I Pravni osnov

- Zakon o budžetima u Federaciji BiH („Službene novine Federacije BiH“, broj: 102/13, 9/14, 13/14, 8/15, 102/15, 104/16, 5/18 i 11/19),
- Odluka o izvršavanju budžeta Općine Kakanj za 2020. godinu („Službene novine Općine Kakanj“, broj: 1/20 i 4/20).

II Razlozi za donošenje Izmjena i dopuna Budžeta Općine Kakanj za 2020. godinu

- Glavni razlog za izmjene i dopune Budžeta je preciziranje realizacije dodatnih sredstava u Budžetu Općine Kakanj za 2020. godinu iz Fonda okoliša (po tužbi Ze – do kantona protiv Elektroprivrede BiH), umjesto Zavoda za planiranje i izgradnju Općine Kakanj, navedena sredstva će direktno realizovati JP Grijanje d.o.o. Kakanj.

- U cilju realizacije projekata u Službi za imovinsko-pravne, geodetske poslove i katastar nekretnina uvodi se nova pozicija „Naknada štete u postupku uspostave prava služnosti (izgradnja sankališta na Ponijerima), fond 0111, u iznosu od 10.000,00 KM“.

- Zbog odustajanja firme „Centrotrans eurolines“ d.d. Sarajevo od svih linijskih redova vožnje, došlo je do poremećaja kako prevoza putnika, tako i učenika na području Općine. U toku je procedura usaglašavanja i dodjele redova vožnje po javnom pozivu, i trenutno se vodi upravni spor kod Kantonalnog suda u Zenici. Kako bi se riješio problem prevoza učenika srednjih škola sa područja općine Kakanj potrebno je provesti proceduru izbora prevozničke firme u skladu sa odredbama Zakona o javnim nabavkama.

Shodno navedenom u Službi za društvene djelatnosti, boračka pitanja, raseljena lica, izbjeglice i povratnike uvodi se nova pozicija „Prevoz učenika srednjih škola na području općine Kakanj za 2020. godinu“, fond 0111, u iznosu od 6.000,00 KM“.

- Zbog priprema javne ustanove „KSC“ Kakanj za zimsku sezonu neophodno je na vrijeme izvršiti popravku ratraka za snijeg koji se koristi za redovno održavanje ski-staze u ski centru Ponijeri. Za realizaciju sredstva su obezbjeđena uštedama na pojedinim pozicijama javne ustanove.

- Zbog povećane potrošnje dezinfekcijskih sredstava u JU za predškolski odgoj i obrazovanje Mladost Kakanj, došlo je do potrebe za povećanjem sredstava na poziciji „Ostale komunalne usluge, fond 0252 u iznosu od 1.000,00 KM“, a za isti iznos umanjena je pozicija „Medicinske i laboratorijske usluge, fond 0252“.

III Finansijska sredstva

Za provođenje Izmjena i dopuna budžeta Općine Kakanj za 2020.godinu osigurana su sredstva dijelom u povećanim prihodima u Budžetu na poziciji „Porez na promet nepokretnosti“, a dijelom u uštedama i smanjenim rashodima u dosadašnjem dijelu godine.

Kakanj, oktobar 2020. godine

Obradivač
Služba za finansije

Predlagač
Općinski načelnik